



Broj/Broj: 01/6-50-1-6-23/06
Sarajevo/Sarajevo: 26.01.2006.godine

Z A P I S N I K
23. sjednice Komisije za saobraćaj i komunikacije,
održane 26.01. 2006. godine

Sjednica je održana 26.01.2006., s početkom u 14,10 sati.

Sjednici su prisustvovali članovi Komisije:

1. Miloš Jovanović, predsjedavajući
2. Milorad Živković
3. Muhamed Moranjkić
4. Ruža Sopta
5. Selim Bešlagić
6. Adem Huskić.

Sjednici nisu prisustvovali: Nenad Mišić, Ivo Lozančić i Izet Hadžić.

U ime Vijeća ministara BiH, sjednici su prisustvovali: Željko Knežević, pomoćnik ministra komunikacija i transporta BiH, Kojo Koprivica i Timur Gadžo, službenici Ministarstva komunikacija i transporta BiH.

Kao predlagач Zakona sjednici je prisustvovala poslanica Dušanka Majkić.
Sjednici je prisustvovao i privremeni sekretar Komisije Ahmed Jalovičić.

Predsjedavajući Miloš Jovanović predložio je sljedeći

D N E V N I R E D

1. Verificiranje Zapisnika 22. sjednice, održane 05.12.2005.godine,
2. Prijedlog zakona o Agenciji za informaciono društvo Bosne i Hercegovine, predlagач Vijeće ministara BiH,
3. Prijedlog zakona o dopuni Zakona o putnim ispravama BiH, predlagач Dušanka Majkić,
4. Razmatranje Izvještaja o radu Državne regulatorne komisije za električnu energiju u 2005.g.
5. Prijedlog Plana rada Komisije za 2006.godinu
6. Ostala pitanja.

Muhamed Moranjkić je istakao da ima primjedbu na dnevni red i napomenuo da nije bio prisutan na prošloj sjednici kada se razmatrao Treći izvještaj Ministarstva komunikacija i transporta BiH o dodjeljenim CEMT i bilateralnim dozvolama, te da ne bi prihvatio zaključak o prihvatanju Izvještaja, pa traži da se pod tačkom ostalo uvrsti u dnevni red i pitanje ovog Izvještaja.

Predsjedavajući je odgovorio da je Komisija završila rad po pitanju Izveštaja i da ukoliko želi Moranjkić ,može da predloži novu tačku dnevnog reda.

Selim Bešliagić je istaknuo da nema potrebe glasati o novoj tački dnevnog reda, pa predlože da se o CEMT dozvolama raspravlja pod tačkom ostala pitanja.

Komsija je jednoglasno podržala ovaj prijedlog, pa je predloženi dnevni red jednoglasno prihvaćen.

Na upit članova Komisije da li je pokrenuta istraga SIPE oko izdavanje CEMT dozvola, Kojo Koprivica je odgovorio da je SIPA izuzela dokumentaciju vezano za CEMT dozvole.

Ad. 1.

Na prijedlog Zapisnika nije bilo primjedbi, pa je Komisija jednoglasno verificirala Zapisnik 22. sjednice održane 05.12.2005. godine..

Ad.2

Predsjedavajući je podsjetio da su na prošloj sjednici usvojeni principi Prijedlog zakona o Agenciji za informaciono društvo Bosne i Hercegovine i jedanaest amandmana na Zakon, te da je ostalo da se razmatra amandman na član 28. i da traženo mišljenje od Vijeća ministara o ovom amandmanu nije do danas dostavljeno.

Muhamed Moranjkić ukazao je da je danas dobio mišljenje Ministarstva komunikacija i transporta, što nije u skladu sa procedurom, tako da ne prihvata mišljenje Ministarstva i da je ono za njega nevažeće.

Milorad Živković naglasio je da nije bio na prošloj sjednici, te podsjetio da je ranije ukazao da su za njega neprihvatljivi predloženi principi Zakona i smatra da je najbolje rješenje da se uradi novi Predlog zakona.

Ruža Sopta smatra da je usvajanje predloženog amandmana na član 28. u suprotnosti sa principima Zakona i istaknula da neće podržati amandman.

Selim Bešliagić je mišljenja da bi trebalo otvoriti Javnu raspravu o Zakonu, kao i da bi bilo korisno animirati ljude iz struke.

Predsjedavajući je odgovorio Bešliagiću da sada nije moguća Javna rasprava i da je danas potrebno donijeti konačnu odluku o Zakonu.

Dušanka Majkić istakla je da iako nije član Komisije, smatra da se mora uzeti u obzir činjenica da se radi o oblasti koja nije poznata mnogima i da podržava prijedlog Selima Bešliagića.

Adem Huskić smatra da bi bilo korisno organizirati Javnu raspravu, mada ovdje nije riječ samo o struci, te da bi se poslije rasprave opet vratili na politički teren.

Željko Knežević ukazao je da ukoliko bi se provela Javna rasprava, da bi trebali učestvovati i predstavnici Evropske komisije, koji bi iznijeli svoja iskustva.

Ruža Sopta istaknula je da Ministarstvo zagovara drastičnu promjenu Zakona, bez mišljenja Vijeća ministara, što je neprihvatljivo.

Predsjedavajući je naglasio da Komisija mora završiti proceduru, pa se pristupilo glasanju o:

AMANDMAN 17.

Član 28. se briše. (Momčilo Novaković)

Amandman nije usvojen.

Nakon glasanja o amandmanu , Komisija je :

1. većinom glasova prihvatila tekst Predloga zakona o Agenciji za informaciono društvo Bosne i Hercegovine s usvojenim amandmanima,
2. konstatovala da je predloženi Zakon neophodno donijeti, te predlaže Predstavničkom domu Parlamentarne skupštine BiH njegovo usvajanje.

Na osnovu člana 89. Poslovnika, Komisija je za izvjestioca odredila predsjedavajućeg Komisije Miloša Jovanovića.

Ad. 3

Dušanka Majkić istakla je da joj je žao što se Prijedlog zakona o dopuni Zakona o putnim ispravama BiH razmatra tek nakon četiri mjeseca od podnošenja Prijedloga, te smatra da će Komisija podržati Zakon, jer je apsurdno tržiti saglasnost oba roditelja za dijete koje je sudskom odlukom povjereno na vaspitanje jednoma od roditelja.

Predsjedavajući je konstatovao da nema uloženih amandmana na Prijedlog zakona , pa je Komisija:

1. jednoglasno podržala principe zakona
2. jednoglasno prihvatila tekst Prijedloga zakona o dopuni Zakona o putnim ispravama Bosne i Hercegovine s usvojenim amandmanima,
3. konstatovala da je predloženi Zakon neophodno donijeti, te predlaže Predstavničkom domu Parlamentarne skupštine BiH njegovo usvajanje.

Na osnovu člana 89. Poslovnika, Komisija je za izvjestioca odredila predsjedavajućeg Komisije Miloša Jovanovića.

Ad 4.

Muhamed Moranjkić ukazao je da je danas dobio obavijest Ministarstva komunikacija i transporta BiH da će u 2006. godini uputiti u proceduru pet zakona i da je potrebno da Ministarstvo precizira rokove, kako bi se ovi zakoni uvrstili po kvartalima u Plan rada.

Selim Bešlagić je mišljenja da je neophodno da Plan sadržava u svakom kvartalu prijedloge zakonske regulative vezane za Koridor 5C.

Ruža Sopta je podržala prijedlog Bešlagića i istakla da Komisija treba biti aktivnija po pitanju Koridora 5C.

Adem Huskić smatra da bi trebalo kvartalno tražiti izvještaje od Vijeća ministara o Koridoru 5C, kao i da bi bilo korisno da članovi Komisije posjete institucije koje su formirane kroz zakonodavstvo iz nadležnosti Komisije, pa predlaže da se sačini Plan posjete ovim institucijama, što je jednoglasno prihvaćeno.

Predsjedavajuć smatra da iznesene sugestije treba uvrstiti u Plan rada, je predložio da se usvoji takav Prijedlog plana rada Komisije za 2006. godinu , što je Komisija jednoglasno prihvatila.

Ad. 6

Selim Bešliagić je predložio, a Komisija je jednoglasno prihvatila sljedeći zaključak:

1. Vijeće ministara putem Ministarstva komunikacija i transporta BiH treba da podnese Izvještaj o dosadašnjim aktivnostima na realizaciji projekta izgradnje autoputa na Koridoru 5C,
 2. Vijeće ministara BiH treba da sačini Plan realizacije projekta za sve njegove faze (tehnički i finansijski), kako bi se o istom mogla obaviti javna rasprava na sjednici Komisije za saobraćaj i komunikacije,
 3. Izvještaj iz prve tačke i Plan realizacije iz druge tačke ovog Prijedloga, Savjet ministara će Parlamentarnoj skupštini dostaviti BiH u roku od mjesec dana.
- Ovaj zaključak se upućuje Kolegiju Predstavničkog doma, sa zahtjevom da se istim dopuni Dnevni red 73. sjednice Predstavničkog doma.

Muhamed Moranjkić istakao je da je on pokrenuo aktivnosti vezane za nepravilnosti pri izdavanju CEMT dozvola i bilateralnih dozvola, da problem datira od 2004. godine, te podsjetio da je nakon Drugog izvještaja Ministarstva donesena odluka o posjeti ministru Dokiću i da je tada dogovoreno da Ministarstvo sačini cjelovit izvještaj. Naglasio je da izvještaj koji je dostavljen nije dao odgovor ni na jedno pitanje od sedam njegovih pitanja, kao i da je otkrio niz nepravilnosti u samom izvještaju.

Selim Bešliagić je naglasio da je velika stvar što je SIPa pokrenula istragu i da bi bilo korisno da SIPa dostavi informaciju o rezultatima istrage.

Nakon završetka rasprave, Komisija je usvojila sljedeći zaključak:

Da se obavijesti Kolegij Predstavničkog doma o aktivnostima Komisije u vezi razmatranja Izvještaja Ministarstva komunikacija i transporta BiH o postupku i načinu raspodjele CEMT i drugih dozvola domaćim prevoznicima, kao i da se predlaže Kolegiju da se uputi zahtjev SIPA-i za dostavljanje Informacije o rezultatima izvršene kontrole izdavanja CEMT i drugih dozvola.

Sjednica Komisije završena je u 15,50 sati.

PRIVREMENI SEKRETAR KOMISIJE
Ahmed Jalovičić

PREDSJEDAVAJUĆI KOMISIJE
Miloš Jovanović